

Ittoqqortoormiitut nalunaaquttap ingiaqatigiiffianik aasaanerani lu nalunaaquttap aalajangersarneqarallannerat pillugu Namminersorlutik Oqartussat nalunaarutaata allanngortinneqarnera pillugu Namminersorlutik Oqartussat nalunaarutaat (Atorunnaarsinneqarnissaanut piffissap kinguartinneqarnera)

§ 1

Ittoqqortoormiitut nalunaaquttap ingiaqatigiiffianik aasaanerani lu nalunaaquttap aalajangersarneqarallannerat pillugu Namminersorlutik Oqartussat nalunaarutaanni nr. 9, 24. marts 2023-meersumi makkua allanngortinneqarput:

1. § 2 aamma 3 imatut oqaasertalerneqarput:

” **§ 2.** Ulloq 26. marts 2023, nal. 01:00, nalunaaqutaq UTC +0, Ittoqqortoormiini nalunaaqutaq piffissami tassani 00:00-nngorpat, Ittoqqortoormiit aasaanerani nalunaaquttamut ikaarsaassaaq, taamaattumik nalunaaqutaq nal. 01:00-nngorlugu nalunaaquttap akunneranik ataatsimik siuartinneqassalluni.

Imm. 2. Ulloq 29. oktober 2023, nal. 01:00, nalunaaqutaq UTC +0, Ittoqqortoormiini nalunaaqutaq piffissami tassani 01:00-nngorpat, Ittoqqortoormiit nalunaaquttamut nalinginnaasumut ikaarsaassaaq, taamaattumik nalunaaqutaq nal. 00:00-mut utertillugu nalunaaquttap akunneranik ataatsimik kinguartinneqassalluni.

§ 3. Nalunaarut manna ulloq 25. marts 2023, nal. 22:00 atuutilerpoq, aammalu ulloq 30. marts 2024, nal. 23:00, nalunaaqutaq UTC -2 atorunnaassalluni.”

§ 2

Nalunaarut manna ulloq 28. oktober 2023 atuutilerpoq.

Namminersorlutik Oqartussat, ulloq 27. oktober 2023

Múte Bourup Egede (atsior.)
Naalakkersuisut Siulittaasuat

/ Simigaq Broberg (atsior.)

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut